



**CONVENIO DE COOPERACIÓN ENTRE O CONCELLO DE A LAMA E A
SOCIEDADE GALEGA DE MEDIO AMBIENTE PARA A XESTIÓN DA
MICROPLANTA DE TRANSFERENCIA INTEGRADA NO PUNTO LIMPO DE
DITA LOCALIDADE**

En Cerceda, a 10 de xaneiro de 2023 comparecen:

Dunha parte, **Don Jorge Canda Martínez** con DNI núm. 35256744K, **na súa condición de Alcalde- Presidente** do excelentísimo Concello de A Lama (Pontevedra).

Doutra parte, **Don Javier Domínguez Lino** con DNI núm. 35311596-H, **na súa condición de Presidente da Sociedade Galega do Medio Ambiente, S.A.** (en adiante SOGAMA) con CIF núm. A15379803, actuando en representación da sociedade mercantil pública segundo o acordo do Consello de Administración de 15 de febreiro do 2015.

As partes comparecentes recoñécense plena capacidade para o outorgamento do presente convenio de cooperación, e na súa virtude

EXPOÑEN

1. Que, ao abeiro do establecido no artigo 10.1.a) da Lei 10/2008, do 3 de novembro de residuos de Galicia, SOGAMA ten asignada a función de xestión dos residuos urbanos a partir do momento no que son depositados nas estacións de transferencia ou plantas de tratamento previstas no Plan de Xestión de Residuos Urbanos.

2. O sistema promovido pola Administración autonómica para a xestión institucional dos residuos domésticos, xestionado de acordo co disposto na Lei 10/2008, de 3 de novembro de residuos de Galicia configúrase como un modo de xestión colectiva dos residuos municipais cuxa finalidade de interese xeral é a de conseguir, en cooperación coas entidades locais adheridas ao sistema, o mellor resultado ambiental global no tratamento dos residuos domésticos procurando a máxima eficiencia no uso dos recursos públicos.
3. Que dende o ano 2007, en dito Concello, está en funcionamento baixo titularidade municipal un punto limpo no que se integra unha Microplanta de transferencia de residuos, habéndose suscrito entre as partes un convenio de colaboración de data 17 de xullo de 2007, por medio do cal se regulan as condicións básicas para a colaboración e cooperación técnica entre as partes.
4. Que en virtude de dito convenio, acordouse que, de cara a optimización da xestión da instalación do punto limpo e a microplanta, o persoal do concello (ou da empresa xestora de selo caso) que xestiona o punto limpo, realice tamén a xestión da microplanta de transferencia, de tal forma que a descarga dos camións de recollida municipal se realice de forma axeitada, dado que esa operación provoca os maiores problemas de atoamentos e indispoñibilidades.
5. Nese convenio acordouse que Sogama faríase cargo do mantemento e reparación das microplantas, así como da colocación e retirada dos autocompactadores cando fose necesario.
6. Tras varios anos de funcionamento, o número de avarias e indispoñibilidades que han sucedido son cuantiosos, debidos



principalmente a que a descarga dos camiões de recollida municipal non se fai de forma controlada e axeitada.

7. O concello contratou unha empresa que se fai cargo das instalacións, xunto coa operación do punto limpo, reducindo as incidencias no mantemento dos autocompactadores, reducindo as indispoñibilidades polo que as partes consideran necesario regular un novo convenio, co obxectivo principal de economizar o servizo e compensar ao Concello o esforzo garantindo de mellor xeito a continuidade na prestación do servizo.

Polo exposto, as partes acordan a sinatura do presente convenio de colaboración conforme coas seguintes:

CLÁUSULAS

Primeira.- Obxecto.

O presente convenio ten por obxecto regula-la colaboración entre o Concello de A Lama e SOGAMA para a xestión da microplanta de transferencia de titularidade municipal que se atopa dentro das instalación do punto limpo de dita localidade e que teñen a condición de bens de dominio público e servizo público.

Segunda.- Prestacións a que se obrigan as partes

O concello de A Lama xestionara o funcionamento da microplanta conxuntamente co punto limpo, xestión que poderá ser realizada directamente polo persoal do Concello ou persoal pertencente as contratas ás que se poidan adxudicar o servizo de xestión.



Serán os xestores da microplanta, ou quen en estes deleguen, os responsables de atender ás posibles interferencias co servizo de transporte de residuos, posto a disposición por parte de Sogama, e co que deberá compaxinar a súa actividade de forma continuada a fin de levar a cabo unha axeitada rotación e movemento de autocompactadores, a petición do usuario. Dende a microplanta deberán indicarse as necesidades mínimas de rotación de autocompactadores, que se verán complementadas coas comunicacións adicionais que resulten pertinentes en caso de que se dean situacións anormais na instalación, como puideran ser avarías que requiran accións de transporte específica, peches por festivos locais, estimación de entregas anormais por causas non habituais como puideran ser festas, feiras, congresos, etc.

O Concello de A Lama unicamente admitirá nas súas plantas residuos procedentes de concellos ou outras entidades locais integradas no sistema de xestión de residuos de SOGAMA que teñan contrato de servizo en vigor con esta sociedade pública.

SOGAMA realizará as seguintes prestacións:

1. Recoller os autocompactadores unha vez cheos para o seu traslado as instalacións centrais de Sogama para a xestión dos residuos, devolvendo os autocompactadores baleiros á instalación da microplanta.
2. A fin de contribuír a sufragar o custo de operación e limpeza das instalacións que asume o Concello de A Lama, SOGAMA aboaralle ao Concello a cantidade de 4,75 €, IVE excluído, por cada tonelada de lixo entregada.

O pagamento destas cantidades realizarase no prazo máximo de trinta días a partir da emisión da correspondente factura polo Concello de A



Lama. A demora no pago por parte de SOGAMA determinará para o Concello de A Lama o dereito a percibi-los xuros legais previstos na lexislación de contratos do sector público. En todo caso, será condición imprescindible para o aboamento dos importes anteriores que o Concello de A Lama presente as correspondentes facturas.

Tendo en conta unha estimación de 5.000 toneladas de residuos ao ano xestionadas na instalación da microplanta de transferencia, o importe estimado do convenio para SOGAMA e de $5.000 \times 4,75 \text{€}/t = 23.750 \text{€}$ sen IVE (26.125 euros IVE engadido).

Na realización das prestacións previstas no presente convenio, as partes observarán tódalas esixencias medioambientais contidas na lexislación e as esixidas pola autoridade medioambiental competente.

Terceira.- Comisión de Seguimento, Vixilancia e Control.

Constitúese unha comisión de seguimento, vixilancia e control, coas funcións xenéricas que a súa denominación indica, integrada por un representante do Concello de A Lama un representante de SOGAMA, designados polo órgano competente de cada entidade.

O funcionamento desta comisión axustarase ao disposto para os órganos colexiados establecidas na Sección 3 do Capítulo II da Lei 40/2015, de 1 de outubro de Réxime Xurídico do Sector Público.

En particular, corresponderanlle as seguintes funcións:

1. Estudar e propoñe-las modificacións ou adicións ao presente convenio que se estimen oportunas

2. Interpretar, con carácter executivo, o presente convenio, así como resolver do mesmo xeito as posibles discrepancias que xurdan na súa aplicación, sen prexuízo da posibilidade de que as partes presenten os correspondentes recursos impugnando os actos que dite a comisión no exercicio desta función
3. Informar preceptivamente os supostos de resolución e liquidación do presente convenio.

Cuarta. Eficacia temporal do convenio

O presente convenio terá unha vixencia máxima de 1 ano a partir da data da súa sinatura sen posibilidade de prórroga. Non obstante, Sogama está executando a construción dunha nova instalación de transferencia de residuos da súa titularidade, que substituíra a instalación actual, que quedará fora de servizo, por lo que este convenio poderá resolverse anticipadamente no momento en que se poña en funcionamento a nova instalación proxectada.

Quinta.- Causas de resolución do convenio

1. Serán causas de resolución do convenio as seguintes:
 - a. Polas causas establecidas no artigo 51.2 da Lei 40/2015, de 1 de outubro de Réxime Xurídico do Sector Público.
 - b. Pola entrada en funcionamento da nova instalación de transferencia proxectada por Sogama no Concello de A Lama.
 - c. Por denuncia de calquera das súas partes, formulada cunha antelación mínima de tres meses.

- d. Por incumprimento de obrigas convencionais esenciais. Nestes supostos a entidade interesada en resolve-lo convenio porá en coñecemento da comisión de seguimento, vixilancia e control a existencia de dita causa de resolución e a súa intención de resolvelo. Unha vez realizada esta comunicación á presidencia da comisión, esta procederá a convoca-la, e deberá reunirse nun prazo máximo de quince días hábiles, co fin de emitir informe sobre a procedencia da resolución. Emitido o informe da comisión, a entidade interesada adoptará a resolución que proceda, contra o que caberá o exercicio das accións legalmente previstas no ordenamento xurídico.
2. Unha vez resolto o convenio este entrará en fase de liquidación que formulará a comisión de seguimento, vixilancia e control, e na que se incluírán os danos e perdas ocasionados polo incumprimento de obrigas convencionais, de se-lo caso. O acordo de liquidación será susceptible de revisión de conformidade coa lexislación vixente.

O pago das obrigas derivadas da dita liquidación poderá reclamárselle a entidade que se considere responsable e deberá ser aboada nos termos establecidos no artigo 52.2 da Lei 40/2015, de 1 de outubro de Réxime Xurídico do Sector Público. Contra o rexeitamento expreso ou tácito poderán interpoñerse os recursos e exercerse as accións contempladas no ordenamento vixente.

Sexta.- Relación Laboral

A subscrición do presente convenio non implica relación laboral, contractual ou de calquera tipo, entre os profesionais que desenvolvan as actividades e SOGAMA, de tal xeito que a esta non se lle poderá esixir



responsabilidade algunha, nin directa nin subsidiaria, polos actos ou feitos ocorridos no desenvolvemento do mesmo.

Sétima.- Publicidade

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de Transparencia e Bo Goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

Oitava.- Convenios anteriores

Tanto o Concello de A Lama como SOGAMA renuncian expresamente a calquera reclamación ou acción administrativa ou xudicial que lles puidese corresponder con respecto aos convenios anteriores asinados polas partes en relación coa microplanta de transferencia.

Novena.- Natureza xurídica. Xurisdición competente

O presente convenio constitúe un negocio xurídico excluído do ámbito subxectivo da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014. A súa natureza é a dun convenio de carácter administrativo de colaboración no marco do Plan de Xestión de Residuos Sólidos Urbanos de Galicia, entre unha administración pública e unha sociedade mercantil pública encargada da xestión do dito



plan. En consecuencia, correspóndelle aos órganos da xurisdición contencioso-administrativo a resolución das cuestións relativas á súa validez, interpretación, execución, efectos e extinción.

E, en proba de conformidade, asinan o presente documento en Cerceda, en duplicado exemplar.

POR SOGAMA

POLO CONCELLO DE A LAMA

Javier Domínguez Lino

Jorge Canda Martínez